

Канон преподобному Пафнутию Боровскому

Память празднуем 1 (14) мая

Тропарь, глас 4-й

Жити́я свѣтлостію просвети́в твоѣ отѣчество, в моли́твах и постѣх дарова́ний Божѣственнаго Ду́ха испо́лнился еси́, и, во вре́менной сей жи́зни до́бре подвиза́вся, ми́лость благоутро́бия всем скорбя́щим отве́рзл еси́, и ни́щим был еси́ заступник. Тем мо́лим тя, о́тче Пафну́тие, моли́ Христа́ Бо́га, да спасе́т ду́ши на́ша.

КАНОН, глас 8-й

Песнь 1

Ирмос: Колесницегонителя фарао́ня погрузи́ чудотвори́й иногда́ Моисе́йский жезл, крестообра́зно порази́в и раздели́в мо́ре, Изра́иля же беглеца́, пешехо́дца спасе́, песнь Бо́гови воспева́ющая.

Припев: Преподо́бне о́тче наш Пафну́тие, моли́ Бо́га о нас.

Сла́ву мимотеку́щую на нетле́нную премина́л еси́, преподо́бне, с Вы́шними ли́ки ны́не причте́ся, предстои́ши Престо́лу всех Царя́, просвеще́ние ми испроси́, восхваля́юще честны́я твоя́ по́двиги.

Преподо́бне о́тче наш Пафну́тие, моли́ Бо́га о нас.

Аще и от непра́ведна ро́да влеча́шеся, но пра́веден плод Бо́гови принесе́ся и Трои́цы жили́ще показе́ся, Ю́же моли́ о пою́щих тя.

Слава: Не долѣ́ тебе́, преподо́бне, в ми́ре, постом и возде́ржанием в полк свяще́нных себе́ вчиня́еши ино́ческаго пребыва́ния и с си́ми до́блественне Христа́ моли́л еси́.

И ныне: Мари́е Богора́дованная, злата́я кади́льнице, Ма́ти Безневе́стная, ро́ждшая нам Пресла́дкаго Иису́са, Егóже любóвию распаля́емь, при́сный уго́дник Твой преподо́бный Пафну́тий прече́стен храм Тебе́, Богоро́дице, воздвиге́.

Песнь 3

Ирмос: Утвержде́й в нача́ле Небеса́ ра́зумом и зе́млю на вода́х основа́вый, на ка́мени мя, Христé, за́поведей Твои́х утверди́, я́ко несть свят па́че Тебе́, Еди́не Человеколю́бче.

Преподо́бне о́тче наш Пафну́тие, моли́ Бо́га о нас.

В по́двиге учинéн быв послуша́ния, седмери́чное обхожде́ние вре́мен сверши́л еси́, смотре́я навы́кнуги всяк добродéтели о́браз.

Преподо́бне о́тче наш Пафну́тие, моли́ Бо́га о нас.

Два́десят в по́двиге лет сверши́л еси́, па́стырь оби́тели поставля́ешися и до́блественне о ста́де печеше́ся, жела́я всех приве́сти ко спасе́нию.

Слава: Всеви́дѣй Царь Господь, ви́дев твоѣ страда́ния с опасѣнием, не то́чию рассу́ждения да́ром тебе́ почтѣ, но и е́же от о́браза не́ких познава́ти стра́сти душе́вныя.

И ныне: Ме́сто свяще́ния и мы́сленную, Чи́стая, трапѣзу, Хлеб – Христа́, Жизнь всех, приѣмшую, поѣм Тя.

Господи, помилуй (трижды).

Седален, глас 8-й

От юности, блаженне, вся оставль житейская, красная же и лепотная, усердно последовал еси Христу́, звавшему тя, преподобне, постом, отче, тело изнурил еси, в молитвах непрестанно бдя. Темже ты Всеведый Господь добре устроѣет па́стыря Своим овца́м словесным, Пафну́тие Богоно́се, моли́ Христа́ Бо́га грехо́в оставле́ние пода́ти чту́щим любви́ю святу́ю па́мять твою́.

Слава, и ныне: Яко Де́ву и еди́ну в жена́х, Ты, без семене ро́ждшую Бо́га плоти́ю, вси ублажа́ем, роди́ челове́чести: Огнь бо всели́ся в Тя Божества́, и я́ко Младенца́ млеко́м пита́еши Зиждителя́ и Го́спода. Тем, а́нгельский и челове́ческий род, досто́йно сла́вим пресвято́е рождество́ Твое́ и согласно́ вопи́ем Ти: моли́ Христа́ Бо́га согреше́ний оставле́ние дарова́ти покланя́ющимся ве́рою пресвято́му Ро́ждеству Твоему́.

Песнь 4

Ирмос: Ты моя́ кре́пость, Го́споди, Ты моя́ и си́ла, Ты мой Бог, Ты моё ра́дование, не оставль не́дра Отца́ и на́шу нищету́ посетив. Тем с проро́ком Авваку́мом зову́ Ти: си́ле Твое́й сла́ва, Человеколю́бче.

Преподобне отче наш Пафну́тие, моли́ Бо́га о нас.

Сонным видѣнием объявлено бысть тебе́ бра́тне прегреше́ние прекра́снаго дре́ва исторже́нием, твоим же, преподобне, насажде́нием сподобися́ и́стиннаго пока́яния.

Преподобне отче наш Пафну́тие, моли́ Бо́га о нас.

Дре́внюю оби́тель оставля́еши, и но́вое ме́сто населя́еши, и храм, Пафну́тие, Бо́жия Ма́тере воздвиза́еши и благоле́пием украша́еши, в нёмже мно́жество учени́к благоче́стию научи́л еси́.

Слава: Превысо́кая и близ ми́ра оставль, в гора́х пусты́нных жи́ти возлюби́л еси́ и в них, Пафну́тие, па́че Бо́гови угоди́л еси́.

И ныне: Несекóмую гору́ Ты дре́вле Авваку́м прови́де, Всенепоро́чная, из нея́же Бог яви́ся и нас, ислѣвша́я, обнови́л естѣ.

Песнь 5

Ирмос: Вску́ю мя отрину́л еси́ от лица́ Твоего́, Све́те Незаходимый, и покры́ла мя естѣ чу́ждая тьма, ока́яннаго, но обрати́ мя и к све́ту за́поведей Твои́х пути́ моя́ напра́ви, молю́ся.

Преподобне отче наш Пафну́тие, моли́ Бо́га о нас.

Князь, я́ростию распали́вся, оби́тель твою́ огнём запали́ти повелева́ет, но в день я́рости гне́ва Бо́жия честна́го твоего́ и́мене призыва́нием от ва́рвар избавлься, те́плую

вѣру последі́ показа́.

Преподобне́ отче наш Пафну́тие, моли́ Бо́га о нас.

В день пра́здника Па́схи ры́бы моли́твою умно́жил еси́, ча́да сво́я возвесели́л еси́ и на мно́ги дни преизоби́ловати, преподобне́ Пафну́тие, сотвори́л еси́.

Слава: Иконопи́сцу, но́зе больны́ иму́щу и сих ра́ди твои́х повелѣ́ний отрица́юще, ты же, преподобне́, на де́ло дерза́ти повелева́еши и сему́ моли́твами сво́ими вско́ре исцелѣ́ние подава́еши.

И ны́не: Богоро́дице Пречи́стая, Твоего́ Сы́на и Бо́га ви́дети жела́я, Пафну́тий, уго́дник Твой, Сего́ живино́сным и Божѣ́ственным стопа́м невозвра́тно последова́.

Песнь 6

Ирмос: Очи́сти мя, Спа́се, мно́га бо беззаконі́я моя́, и из глубины́ зол возведи́, молю́ся, к Тебе́ бо возопи́х, и услы́ши мя, Бо́же спасѣ́ния моего́.

Преподобне́ отче наш Пафну́тие, моли́ Бо́га о нас.

Дерзну́вшего уби́ти едина́го от птиц, ихже́ любѣ́зно пита́л еси́, глава́ зрѣ́нием наза́д обрати́ся, и сему́, умилно́ моля́щу, вско́ре исцелѣ́ние подава́еши.

Преподобне́ отче наш Пафну́тие, моли́ Бо́га о нас.

Иноку́ ропта́вшу, в ви́дѣнии зря́щу, я́ко тобою́, преподобне́, измета́ему, и от му́рин восхища́ему, и от сих го́рце стражду́шу, сего́ ми́лостивно наказу́еши и в чу́ство приво́диши.

Слава: Женѣ́ боля́щей и от де́мон зло стражду́щей, честное́ твоѣ́ имя призыва́ющей, ты ми́лостивно, блаженне́, явля́еши, и, я́ко во́лки, от сия́ де́моны отгоня́еши, и здра́вие подава́еши.

И ны́не: Коренесека́тельным серпо́м Твое́я моли́твы посе́цы, Отрокови́це, лука́вая помышлѣ́ния ду́ши мое́я и плодоно́сну покажи́, молю́ся, всех бо́ Вседѣ́теля, Бо́га и Спа́са породила́ еси́.

Господи, помилуй (трижды). Слава, и ны́не:

Кондак, глас 8-й

Бо́жиим светолі́тием просвещѣ́н, отче, по́стническое стяжа́л еси́ жи́тельство, преподобне́, ино́ком предобро́рый наста́вниче и по́стником благо́е украше́ние. Сего́ ра́ди Господь, труды́ тво́я ви́дев, чудѣ́с даром обогати́ тя, источа́еши бо исцелѣ́ния. Мы же, раду́ющесе́я, вопиѣ́м ти: раду́йся, отче Пафну́тие.

Икос

Песнь от устѣ́н скверных к похвалѣ́нию по́двиг твои́х, отче, прино́сится: не́ има́м бо се́рдца моего́ чи́стаго, я́ко сие́ сра́мными дея́ньми оскверни́х и ду́шу лука́выми по́мыслы осмради́х. Но ты пода́ждь ми сло́во, преподобне́, чи́стое твоѣ́ воспѣ́ти жити́е, взыва́юще тебе́ такова́я, преблаженне́: раду́йся, преподобных́ всех похвало́; раду́йся, по́стников подража́телю и пусты́ни насаді́телю; раду́йся, я́ко в ней прече́стен храм Богоро́дице воздви́гл еси́; раду́йся, я́ко в нем тобою́ Бог сла́вится; раду́йся, до́бре пасы́й ста́до твоѣ́ от наве́т вра́жиих; раду́йся, я́ко смири́л еси́ злонача́льнаго врага́; раду́йся, я́ко посра́мил еси́ бесо́в полки́; раду́йся, мона́шествующих свети́льниче пресвѣ́тлы́й и столп терпѣ́ния; раду́йся, я́ко собра́л еси́

монахов множество во спасение; радуйся, о нем хвалимся вси; радуйся, егже ради избавляемся от бед; радуйся, отче Пафнутие.

Песнь 7

Ирмос: Божия снизхождения огонь устыдеса в Вавилоне иногда Сего ради отроцы в пещи, радованною ногою, яко во цветнице, ликующе, пояху: благословен еси, Боже отец наших.

Преподобне отче наш Пафнутие, моли Бога о нас.

Человека боляща, в обитель твою на одре принесенна, сего, блаженне, виде, отечески о сем умилися, здрава молитвою сотворил еси и пети научил еси: отец наших Боже, благословен еси.

Преподобне отче наш Пафнутие, моли Бога о нас.

Проказою одержима, и люте гноем растлеваема, и к смерти приближающаяся священною водою помазуеши и, яко изряден врач, преподобне, милостивно сего исцеляеши и пети научаеши: отец наших Боже, благословен еси.

Слава: Люте бесящагося, и узы сокрушающа, и зело ревуща честным крестом оградил еси, и того уцеломудрил еси, и пети научил еси: отец наших Боже, благословен еси.

И ныне: Иже прежде Безплотный воплощается, Пречистая, за милосердие безчисленное из ложесн Твоих святых, Емуже вси поем: Боже, благословен еси.

Песнь 8

Ирмос: Седмерицею пещь халдейский мучитель Богочестивым неистовно разжже, силою же лучшею спасены сия виде, Творцу и Избавителю вопияше: отроцы, благословите, священницы, воспойте, людие, превозносите во вся веки.

Преподобне отче наш Пафнутие, моли Бога о нас.

Милование стяжал еси христоподражательно, вся недуги и страсти исцеляеши и всяку скверну очищаеши, очисти, преподобне, и моя душевныя струпы, да молитвами твоими избавлюся вечнаго осуждения.

Преподобне отче наш Пафнутие, моли Бога о нас.

Рака мощей твоих, преподобне, источает богато чудес дарования: Господень бо угодник показался еси и Того заповедем делатель явился еси непостыден, Егже превозносим во вся веки.

Слава: День верно празднуем честнаго твоего от земли преставления, Пафнутие блаженне, в онь же испроси стаду твоему грехов разрешение и от лютых переменение, да ты прославляем, Христа воспевающе во веки.

И ныне: Егже родила еси, Слово, паче слова, Богородительнице Чистая, Того о нас моли, верно чтущих Тя во веки.

Песнь 9

Ирмос: Ужасеса о сем Небо, и земли удившася концы, яко Бог явися человеком плотски и чрево Твое бысть пространнейшее Небес. Тем Тя, Богородицу, Ангелов и человек чиновачалия величают.

Преподобне отче наш Пафнутие, моли Бога о нас.

Усердно последовал еси Звавшему тя, преподобне, темже и пастыря Своим овцам

устро́яет, и законополо́жник и́ноком был еси́, и пра́вило извѣстно, и вождь ко спасѣ́нию.

Преподо́бне о́тче наш Пафну́тие, моли́ Бо́га о нас.

Свяще́нно и кра́сно жили́ще созда́л еси́, и́нок мно́гих наставля́я к послуша́нию и смире́нию сла́достию, Пафну́тие, словѣс твои́х, те́мже ты вси ублажа́ем.

Слава: Веселі́тся оте́чество твоѐ и град тебѣ́ воспита́вый, и красу́ется пусты́ня, в не́йже по́двиги сво́я и труды́ сконча́л еси́ и победы́ венцы́ восприя́л еси́.

И ны́не: Но́сиши на руку́ Бо́га, нося́щаго вся́ческая, пита́еши Пита́теля, Чи́стая Богоро́дице, Егóже моли́ с блаже́нным Пафну́тием дарова́ти ста́ду Твоему́ бога́тно ве́лию ми́лость.